



Qaqortoq, 12. februar 2016

Inatsisartut suleriaasianni § 37 naapertorlugu Naalackersuisunut imaattunik apequtissaqarpunga:

(Inatsisartuni ilaasortaq, Múte B. Egede)

### **Apeqqutit:**

- 1. Naalackersuisunit ilisimaneqarpa GME maannamut piaanissaq siunertaralugu misissuinerminni aningaasat qanoq annertutigisut atoreersimaneraat?**
- 2. Maannakkut kuannersuarni piaanissaq siunertaralugu misissuisut uranisiornissamik itigartinneqassappata qanoq Nunatsinnut kinguneqassava?**
- 3. Naalackersuisut kuannersuarni misissuisunut GME-mut maannakkumut qanoq neriorsuuteqareerpat?**
- 4. Uramik nunanut allanut niuerneq kikkut akisussaaffigissavaat?**
- 5. Uramik nunanut allanut niuerneq Danmarkimit akisussaaffigineqassappat, namminersorneq pillugu inatsit mangiarneqassava?**
- 6. Aatsitassat uranimik akoqanngitsut, sakkussiornermulli atorneqarsinnaasut nunanut allanut niuerutigineri kikkut akisussaaffigissavaat?**
  - Naalagaaffimmut akisussaaffik tunniunneqarsimappat Namminersornermut Inatsimmut kalluaassaaq - Tamanna Naalackersuisut pissusissamisoortutut isigaat?**
- 7. Nunatsinni aatsitassat sakkussiornermut atorneqarsinnaasut (dual use) taaneqarsinnaasut Naalagaaffimmiillu avammut niuerutigineranni aqunneqalersussat suuppat?**
- 8. Naluneqanngitsutut saviminissaq sakkussiornermut atorneqartarpoq. Saviminissaq aatsitassat sakkussiassat dual use-t ilagaat?**
- 9. Siunissami Isukasiani saviminissamik aatsitassarsiulersinnaanermi saviminissaq avammut niuerutigineqartussa Naalagaaffimmit nakkutigineqarluni aqunneqassava?**
- 10. Aatsitassat qingorneqanngitsut Danmarkimit akisussaaffigineqassapata kalaallit nunaata oqartussaaffianik naalagaaffimmut tunniussinerunngila?**

**Tungavilersuut:**

Naluneqanngitsutut nunatsinni pingaartumik suliffeqarfik ataaseq uranimik piaanissaminik soqutigisaqartuuvoq. Naluneqanngilartaaq uranimik aatsitassarsiorniarneq inuiaqatigiinni annertuumik akerleriissutaallunilu avissaartuussutaasoq tamannalu tunngavigalugu nunatsinni uranisiortoqalernissaa ilimanarani. Taamaammat pingaaruteqarpoq suliffeqarfik uranisorumasoq Naalakkersuisuniit arlaatigut neriorsorneqarsimanersoq paasissallugu kiisalu akuersisummik tunineqanngippat suut kingunissaasinnaanersut...

Saqqummiunneqaqqammerportaaq Naalakkersuisut nalagaaffimmut, tassa Danmarkimut nunatsinni aatsitassat nammineq akisussaaffigilersimasatta avammut niuerutigineqarnerannik akisussaaffimmik aqutsilernissamillu isumaqatigiissuteqarsimasut. Tassani aatsitassat qinngornillit kiisalu sakkussiatut atorneqarsinnaasut (dual use) danskinit aqunneqalissasut isumaqatigiissutigineqarluni. Isumaqatigiissut taanna arlalitsigut itinerusumik paasisaqarfigisariaqarpoq saqqummiuttariaqartunik. Soorlu paaserusunnarput isumaqatigiissutip taassuma nunatsinni Namminersornermi inatsimmik uniuinersoq kiisalu aatsitassat sakkussiatut atorneqarsinnasut (dual use) suunersut.

Ullut suliffiusut qulit iluanni apeqqutima akineqarnissaat kissaatigaara.